

14. december 2008

Inatsisartut suleriesianni § 36, imm. 1 malillugu ima Naalackersuisunut apeqquteqaateqarpunga:

1. Maanna kommunerujussuassani inuutissarsiutinik siuarsaanermut aktieselskab-it piginnaasaat amerlineqartussaammata, qanormita Naalackersuisut Kalaallit Nunaanni inuutissarsiutitigut siuarsaanermi aningaasartuutit tunngatillugu takorluugaqarpat? Uani ilaatigut pineqarlutik aningaasanut inatsimmi inuutissarsiutitigut siuarsaanermi aningaasartuutit agguataarneqarnissaat.
2. Inuutissarsiutitigut ineriartortitsinermit aktieselskabit Greenland Venture aammalu Nunatsinni Takornariaqarnermut Inuussutissarsiornermullu Siunnersuisoqatigiit Kalaallit Nunaanni inuutissarsiutitigut ineriartortitsinermit peqataalluarnissaannut Naalackersuisut qanormita takorluugaqarpat?

Tunngavilersuut

Qaasuitsup Kommuunissaani Destination Avannaa-ta inuutissarsiornermut siunnersortit akisussaaffigilissagai qujanarpoq taamaasilluni destinationsselskab-ip inuutissarsiorneq tamakkiisoq sammilissammagu. Taamatut aaqqiinikkut takornariaqarnikkut inuutissarsiutitigullu siursaaneq inernejarnerulluni ineriartussoq. Tamanna inuutissarsiornermut tamakkiisumut Avannaanilu innuttaasunut iluaqutissaassaaq.

Nutaarsiassaq tamanna nuanneqisoq kisianni apeqqumik pilersitsivoq: Namminersorerullutik Oqartussat siunnessami inuutissarsiornermut siuarsaanermi aningaasartuutit, kommunini inuutissarsiutitigut siuarsaanermi aktieselskab-nut servicekontrakt aqutugalugit tunniunneqartalisappat – imaluunniit kommunit nammineq aningaasaliisassappat? Uani ilaatigut allaffissorneq ukununnga: kittaartakkanut aqqissuussinerit, tunisassianut ineriartortitsinermit tapiisarnerit, qularnaveeqqusiisarneq il.il.

Kalaallit Nunaat ukiuni makkunani inuutissarsiutini isertitsiffiusuni aaqqissuusseqqinneq annertoq ingerlappaa. Nunami suliffeqarfiit amerliartuinnarput soorluttaaq aatsitassaqaarnermit isumalluartoqartoq. Tamakkua kingunerisaannik inuutissarsiutit pilersussat ineriartortinneqarnissaat kikkut isumagissavaat? Pissutsinut naammassarneq malinnaaffingeqqissaartariaqarpoq Kalaallit Nunaat ineriartornermut peqataassappat.

Naalackersuisut akissutaat piumanearpoq ullut suliffiusut qulit qaagiutsinnagit.

Inussiarnersumik

Marie Fleischer

Inatsisartut inuutissarsiornermut ataatsimiititaliaanut ilaasortaq